

برسد سدید هیئت کتوروب و محاربین اسلامی و پراکنده اولان عثمانی
نفراتی ایجاب ایدن محل و موقعه یرلشدیروب دشمن اردوسنک ظهورینه
منتظر اولدیله.

جنرال فیلیوویچ دخی ۱۶ آغستوسده مدافعین اسلام اردوسنی صارمق
ایچون اوزاقدن تپه و بایرلندن کچمک اوزره پیاده طابورلری طاغ طوپلریله
ایکی طرفه سوق ایدوب و کندیسکی اصل قوت و صحرطوپلریله اسلام استحکاملرینه
هجوم ایدهرک اوج ساعت قدر دوام ایدن شدتلی جنک وجدالده مذکور ایکی
طرفدن اسلام اردوسنی احاطه ایتمکده اولان پیاده دشمن عسکری یقینده
اسلام اردوسنی بتون بتونه صاروب اسیراوله جقلری خبر آلدریله مجاهدینده
خوف طاری اولوب بوزغونلغه سبب اولمغه اورتهده بولنان طوپلری قالدیروب
طوغریجه سرای بوسنه شهرینه رجعته قرار ویریلهرک چادر و مهمات ساثره
وارزاقی براغوب کال بریشانیله رجعت و شهر مذکور مدافعه ایتمک اوزره
سرای بوسنه کلدیلر. جنرال فیلیوویچ نائل اولدینی بویله موفقیتله اورادن
آهسته حرکت و سرای صحرانده واقع ژه ارنجه نهری اوزرنده کی کوبریدن
فی ۱۸ آغستوسده کچدیغنده اردوسندن بر طابور سواری و صحرطوپلری
سرای شهرینه ناظر دولاج قریه سنده جنغیک ویلا موقعه کوندروب ایکندی
وقتنده اورادن شهره قارشو ورودلرینی اخبار ایچون بلاکله انداخت ایتدکلری
ایکی طوپک سداسنه مقابل اهل قیام طرفندن بزده جنک حاضرز دیو
جواب اوله رق سرای قلعه سندن ایکی طوپی آتدیله. اوکون حافظ باشا
وضبطه آلائی بکی خلیل بک فیلیوویچک اووهده کی اردوسنه التجا ایلدیله.
مدینه سرای بوسنه ده موجود بولنان اهل قیام رؤسائیدن مومی الیه اسماعیل
بک و مقدما کندی کندیسکی قضاء آباغنه جرح ایدن حاجی لویو و همپالری
اولان راشیداغیک راشید آغا و قلابه بیرام آغا و سوززو زاده احمد افندی
ویرادری حسین آغا و علی قاضی زاده فهم و اسمد افندی و عبدی بایراقدار
رئیس و طابوتجی عبدی آغا و قوسو قوبجی یوسف آغا و بونلر کی چوغیسی
اوستریانک کوردکلری قوتنه قارشو تاب آور مقاومت اوله میه جقلرینی تفرس

ایتملریله اللرینه دوشمامک ایچون اوکون و کیجه شهردن رومانی بالقاننه قریب
کویلره و پراچه و غورازده قصبه لری جوارلرینه چکلدیلر.

جنرال فیلیوویچ اردوسندن اون طابور قدر پیاده فرقه سنی طاغ
طوپلریله بوطمیر ولوقه و میله ویک قریه لری اوزرندن حرکت ایتمک اوزره
وراتجا و تره بویچ طاغی ایتکندن برایتیوواج و بوستاریچ قیالرینی ضبط ایتمک
و بوسورته شهر ی جنوب طرفندن احاطه و تحت محاصره یه آلتیق اوزره
فرداسی صباحلین هجوم ایتلرینی قوماندای ایتدی.

قوبیلاغلاوا بایرینه ورودایدن دیگر فرقه سنی قوتنه و اچایدن کچوروب
شهرک شمال طرفنده کی غردون بایری قیالرینی و مذکور غردون بایرک خذاسیله
باریجه جوارنده واقع پاشینو بردو تپه سنه عسکر و طوپلری چیقارلق و اورادن
طوغریجه شهرک قلعه سنه هجوم وضبط ایتلرینی قوماندای ویرمشد.

کندوسنی اصل قوتله مذکور جنغیک ویله موقعه ده بولنه جفتدن شهر
محاصره یه آلتدیغنده اردوسنک بقیه سی غوریجه تپه سنه هجوم و مذکور تپه
آلتدیغنده شهر خلقی بالمجبوریه تسلیم اوله جقدر.

فرداسی ۲۰ شعبان ۱۲۹۵ و فرنگی ۱۹ آغستوس ۱۸۷۸ سنه سی
بازار ایتسی کونی سالف الیان ترتیبی اوزره حرکت ایدن فرقه لر ائتسای
راهنده تک توك اهل قیام جمعیتلرینه تصادف و حرب ایدهرک هربررسی اوکله دن
اول آلافرانقا ساعت طقوزه قدر مواقع معینه لرینه وصول بولوب بوستاریچ
قیالرینه یرلشدیریلان طوپلردن شهر سوقاقلرینه کله لر آتمغه باشلادیله.

شهرک شمال طرفنده پاشینو بردو تپه سنه چقان دشمن عسکری اوراده
یرلشدیردینی طوپلردن آتدینی کله لر معاوتیلله طابور بظابور پیاده عسکری
قلعه نك باقی یه ده واقع عرب طایبه سنه طوغری سوق ایدهرک هر نه قدر اوراسنی
اسلام مجاهدلری اوج طوب ایلله محافظه و مقاومت و دشمنک هجوملرینه کلیتو
تلفات ویردیرمکده بولنش ایه لده آرقلرندن کلیمده اولان طوپلرک دانه لرینه
زیاده دایانمیوب مذکور طایبه و بدنی ترک و قلعه نك محله لرینه رجعت ایتدیلر.
بو موقعه ده مجاهدین مشهوره دن کسری زاده حاجی ادهم آغا شهید و مهره می
زاده صالح آغا تهلکلی صورتده یاره لنوب متأثراً شوالده وفات ایتشد.